

Reunion na Amsterdam pa trata 'werkbezoek' di Art Promotion International den su totalidad na Aruba



Na e reunion a asisti Dr. Huisman presidente di Art Promotion International, directora di Biblioteca Nacional Arubano, Astrid Britten, Drs. Mirto Lacle y su sra Dr. Lacle y tambe e pintor Gustave Nouel. Dr. Artwell Cain a brinda e oportunidad pa reuni ampliamente riba e projectonan pionero na Aruba, den su oficina di NiNsee.

ORANJESTAD - Recientemente tabatin un reunion na Amsterdam pa trata e 'werkbezoek' di Art Promotion International den su totalidad na Aruba y e rol di e pintor puente Arubano, Gustave Nouel, den tur esaki.

Na e reunion a asisti Dr. Huisman presidente di Art Promotion International, directora di Biblioteca Nacional Arubano, Astrid Britten, Drs. Mirto Lacle y su sra Dr. Lacle y tambe e pintor Gustave Nouel. Dr. Artwell Cain a brinda e oportunidad pa reuni ampliamente riba e projectonan pionero na Aruba, den su oficina di NiNsee. Dr. Artwell Cain, na augustus 2009 tambe lo ta involucra cu presentacion di un buki especial na Aruba, entre otros.

Si Nouel viaha Aruba dia 16 di augustus, hunto cu e delegacion Arubano cu ta na Europa pa diferente conferencia, lo por concretisa un rueda di prensa na Aruba dia 18 o 19 di augustus pa presenta e proyecto y prepara e programa pa ora Dr. Ing. J. Huisman yega Aruba na september.

Dia 3 di september Biblioteca lo organisa un otro conferencia di prensa, caminda Dr. Huisman y Nouel lo por presenta e lecturanan y masterclass na Universidad. Un punto di agenda importante ta e intercambio den Reino Hulandes y un mini-conferencia cu partners di e otro islanan Hulandes.

Na Biblioteca, un lectura riba Picasso di Dr. Huisman y tambe un workshop pa mucha riba Picasso di Dr. Huisman hunto cu Gustave Nouel, lo ser duna den cuadro di 60 anja Biblioteca Nacional Arubano...cu cooperacion di Onderwijszaken y Universidad di Aruba.

Pa e exposicion di Nouel na Biblioteca na Oranjestad y San Nicolas, den cuadro di celebracion di Biblioteca 60, lo mester formalisa e cooperacion di Toyota Art Gallery y Musa Art Café, tambe den publicidad.

Dia 25, 26 y 27, den cuadro di 60 añ a Biblioteca, e pintor Arubano Gustave Nouel (www.nouel.net) lo por duna algun workshop riba tur nivel di sketch modelo na Biblioteca, pa prepara e talentonan scondi y artista en general pa e Masterclass na Universidad Arubano.

Un seleccion di participantenan di e workshop aki lo por participa na e Masterclass di pintamento di modelo na Universidad di Aruba, cu lo ta hopi limita y riba nivel maximo (post-universitario), cu participacion exclusivamente pa hende prepara/talento o artista reconocidos. Hende interesa lo mester inscribi na tempo pa por participa.